

حكايتي مع الختان

جرمه القانون وحرمة الاديان وضد حقوق الانسان



"بناتي أحسن مني ده حلمي اللي حقيقته"

حكايتي مع الختان... بناتي أحسن مني ده حلمي الي حققته

شبح الدايه ويوم الختان كبوس ملازميني من صغري. يوم مش ممكن انساه ابدأ وخلي حياتي وجسمي مليون مشاكل.

كان ديما في عقلي اني مش ممكن اعرض بناتي للخطر نفسه وانا شايفة حياتي انهارت ازاي من بعده. مكنتش عايزة اختن بناتي بس مش لاقية دليل أواجه بيه حماتي وجوزي والمجتمع والناس تقولي لو سبتي بناتك كده محدش هيرضى يتجوزمهم.

كنت محتارة لغاية لما حضرت جلسات توعية كثير وسمعت وعرفت رأي الدين والطب.. وسألت وسمعت غيري ودورت أكثر على النت عشان افهم.. كنت عايزه اخذ قرار عن معرفه حقيقه عشان اقدر اواجه اي حد يفتح بقه.

اخذت شهر من البحث والمعرفة لغاية ما قدرت اواجه جوزي وحماتي وحافظت على بناتي وقررت اني مش هعذبهم زي متعذبت زمان.

حلم كل اب وام ان ولادهم يكونوا أحسن منهم وأنهم يحموهم من اي وجع وده الي انا فخوره اني عملته.

أنا كمان منعت اختي من انها تختن بنتها وتعرضها للجريمة دي وكمان بوعي الناس في القرية ضد الختان.

البنت زي الولد لو متربية ومنتعلمة مش حتعمل حاجة تعيبها أو تأذي أهلها. حرام عليكم تقطعوا في بناتكم، البنت هتتجوز علشان أخلاقها وسمعتها مش علشان اتختنت. حافظوا على بناتكم وسيبوا العادات والتقاليد اللي دمرتنا.

حياة بنتنا اعظم واهم من عاداتنا.

** القصة حقيقية لناحية من جريمة الختان في إحدى قرى مصر. تم حذف الأسماء لأن القصة شخصية للغاية لذا أردنا حماية خصوصية السيدة الشجاعة.*